



UNIVERZITET U BIHAĆU
telefon/faks: 387 (0) 37 222-022
adresa: Pape Ivana Pavla II 2/II, 77000 Bihać
e-mail: rektorat@unbi.ba
UNIVERSITY OF BIHAC
phone/fax: 387 (0) 37 222-022
address: Pape Ivana Pavla II 2/II, 77000 Bihać
e-mail: rektorat@unbi.ba



TEHNIČKI FAKULTET BIHAĆ
telefon/faks: 387 (0) 37 226-273
adresa: dr Irfana Ljubijankića bb, 77000 Bihać
e-mail: tfb@bih.net.ba
FACULTY OF TECHNICAL ENGINEERING
phone/fax: 387 (0) 37 226-273
address: dr Irfana Ljubijankića bb, 77000 Bihać
e-mail: tfb@bih.net.ba

NASTAVNO – NAUČNO VIJEĆE

Broj:01- 325
Bihać,03.03.2014.godine

Na osnovu člana 104.Statuta Univerziteta u vezano za učestale anonimne i otvorene pritužbe na pojedine predavače i saradnike od strane studenata I i II ciklusa studija na Tehničkom fakultetu u Bihaću,Nastavno –naučno vijeće Tehničkog fakulteta u Bihaću na prijedlog dekana doc.dr. Atifa Hodžića,na sjednici održanoj dana 26.02.2014.godine,donijelo je


Z A K L J U Č K E

1. Naučno-nastavno vijeće Tehničkog fakulteta u Bihaću osuđuje i strogo zabranjuje svaki eventualni pojavni oblik koruptivnih i nečasnih radnji bilo kojeg zaposlenika i vanjskog saradnika u naučno-nastavnom procesu, počev od uslovljavanja studenata kupovinom knjiga, skripti ili nastavnog materijala, preko izvođenja instruktivne nastave, pisanja seminarskih, završnih i master radova, do netransparentnog upisivanja ocjena i ostalog vida koristoljublja. Rukovodstvo fakulteta će poduzeti preventivne mjere za suzbijanje ovakvih i sličnih pojava, a protiv zaposlenika i vanjskih saradnika koji bi eventualno učestvovali u takvim nečasnim radnjama preduzeće se oštre sankcije.
2. Upozoravaju se nastavnici i saradnici da se pridržavaju utvrđenih ispitnih rokova za redovne i vanredne studente, te apsolvente na Tehničkom fakultetu u Bihaću. Isti se zadužuju da prilikom ocjenjivanja poštuju principe utvrđene Pravilnikom o polaganju ispita na I ciklusu i Pravilima studiranja na II ciklusu studija, te da obezbjede potpunu transparentnost i javnost prilikom organiziranja ispita na fakultetu.
3. Nastavnici preuzimaju potpunu odgovornost za organiziranje i izvođenje pismenog i usmenog dijela ispita za svoje predmete, u okviru planiranih ispitnih rokova, dok su saradnici sa predmetnim nastavnicima odgovorni za predispitne radnje i ostale vidove studentskih aktivnosti u toku izvođenja nastave.
4. Na Tehničkom fakultetu u Bihaću osniva se Antikorupcioni tim u sastavu:

- Van. Prof. dr Fadil Islamović, predsjednik
- Doc. dr Aida Husetić, član
- Dr.sc. Edin Mujčić, član
- Mr.sc. Esad Bajramović, član
- predstavnik studenata, član

Zadatak ovog Tima je da analizira pritužbe i predstavke studenata, utvrđuje prijedloge preventivnih i korektivnih mjera na suzbijanju svih navedenih koruptivnih i ostalih nečasnih radnji koje za cilj imaju bilo kakav vid koristoljublja.

5. U drugoj sedmici ljetnog semestra Antikorupcioni tim će provesti anketiranje studenata I i II ciklusa vezano za eventualne koruptivne i ostale nečasne pojave na Tehničkom fakultetu u Bihaću.
6. Rukovodstvo fakulteta će održati sastanak sa predstavnicima studenata I i II ciklusa na Tehničkom fakultetu u Bihaću i upoznati iste o ovim zaključcima, te uložiti Antikorupcionog tima na našem fakultetu.
7. Pozivaju se studenti Tehničkog fakulteta u Bihaću na saradnju i pomoć pri suzbijanju korupcije i svih drugih oblika nečasnih radnji koje imaju za cilj koristoljublje.
8. Sa ovim zaključcima upoznati sve zaposlenike i vanjske saradnike na Tehničkom fakultetu u Bihaću, te Rektora Univerziteta u Bihaću i iste objaviti na web stranici Tehničkog fakulteta.
9. Ovi Zaključci stupaju na snagu danom donošenja i isti će se objaviti na web portalu Tehničkog fakulteta u Bihaću.



Predsj. NNV TFB:

Doc.dr. Atif Hodžić